

30. september 2015

**Pilersaarusionerq aamma nunaminertat atornerqarnerat pillugit Inatsisartut inatsisaata allannguutissaatut siunnersuut pillugu Inatsisartut inatsisaat nr. xx, xx.xx.201x**  
**(nuna tamakkerlugu pilersaarusionerq pillugu nassuiaasiaq, nunaminertanik inniminniisarnarit, nunaminertamik atuinissamat piffissaliussamik sivitsuisarnissamat periarfissaq, utaq-qisut tullerriaarneqarnerannik tamanut saqqummiussisarneq, pilersaarusionerqarnermut nunaminertanillu atugassiinermi maalaaruteqarfiup il. il. peerneqarnera)**  
(Aningaasaqarnermut Aatsitassanullu Naalakkersuisoq)

Matumuuna Siumup Inatsisartuutitai sinnerlugit Pilersaarusionerq aamma nunaminertat pillugit Inatsisartut inatsisaata allannguutissaatut siunnersuut imaattumik oqaaseqarfiggissavara.

Inatsisip uani pineqartup 2010-mi ukiakkut Inatsisartuni suliarineqarnerani partiinit tamanit kiisalu taamanikkut Naalakkersuisuusunit annertuumik ataatsimoorfiusimasoq Siumumiit maluginiarparput.

Inatsisip matumani allannguutissaatut siunertarineqartut inuiaqatigiinnut eqaallisaataallutillu pitsaanerusumik sinaakkusersutaanissaat Siumumiit isumaqarfiggatsigik matumani oqaatigissavarput.

Inatsimmi matumani allannguutissatut siunnersuutit taakkartorneqartut ataasiakkaarlugit oqaaseqarfiggikkaluarlugit Siumumiit tunngaviusumik isumarput erseqqissaatigissavarput, tassalu nunatta namminersulernerata kingorna kommuunillu kattussuunnerat ilutigalugu Namminersorlutik Oqartussani akisussaaffiit kommunerujussuarnut nuukkiartuaarnissaat pissusissamisoortutut isumaqarfiggatsigu, taamaattumillu pilersaarusionerq nunaminertanillu atuneq pillugu inatsit kommuuninit annertunerusumik akisussaaffigineqalernissaa pisinnaatitsinerulernissaa Siumumiit pitsaasutut isumaqarfiggatsigu matumani oqaatigissavarput.

Siumumi isumaqartuaannarpugut nunamik piginnittussaataaneq tassaasoq Kalaallit inuiaat tamar-mik ataatsimoorlutik piat, taamaattumik innuttaasut aammalu atuisut uani allannguutissatut siunnersuummi pisinnaatitaaffitsigut pitsanngorsaaviginerqarmata Siumumiit iluarisimaarlugulu pissusissamisoortutut isumaqarfigaarput.

Allannguutissatut siunnersuutigineqartut inuiaqatigiinnut atuisunullu qanoq kinguneqartitsisinaaneri qulaajarluarniarlugit allannguutissatut siunnersuut manna Sanaartornermut ataatsimiititaliami sukumiisumik suliarineqarnissaa Siumumiit innersuussutigaarput.

Anders Olsen, Siumut